



# نصائح الأفوكاتو

الدليل القانوني لمجتمع "م.م.م.م"



## حاجات لازم نعرفها كويس

احنا كمواطنين/ات مصريين /ات لنا حقوق زى اى مواطن الحقوق دي نص عليها الدستور , والدستور هو أعلى تشريع فى الدولة وهو اللي المفروض كل أجهزة الدولة تلتزم بيه , لكن للأسف مش دايمًا اللي فى ايديهم السلطة بيحترموها , ويحصل تجاوزات, لكن مهم اننا نعرف الحقوق اللي قال عليها الدستور والقانون



## حقوق المقبوض عليه


- من حقه / أن /ها يعرف /تعرف و فوراً
- سبب القبض عليه / وبأى تهمة
- من حقه / أن /ها يتصل /تتصل بأهله / و
- المحامي الخاص به /
- من حقه / ستر عورته / وارتداء
- ملابسه / أثناء القبض عليه /
- من حقه / أن /ها يعرف /تعرف شخصية
- من يقوم بالقبض عليه / واسمه
- ووظيفته
- مش من حق حد يضره / أو يهدده /
- ومخالفة أى شىء من
- ده جريمة يعاقب مرتكبها
- وفقا للقانون

كمان مهم اننا نعرف ان  
الاصل فى  
الانسان البراءة واللى  
بيقول غير  
كده لازم يثبت ده ومن  
حقى فى  
حالة اتهامى باى  
جريمة انى انكرها  
وما اتكلمش الا لما  
يكون فى محامى  
معايا بثق فيه



ان الحرية الشخصية  
"حق طبيعى وماينفعلش  
يتقبض على اى انسان  
الا فى 3 حالات " وهى

- 1 ان يكون عليه حكم بالحبس فى  
قضية صادر من محكمة فبيتقبض عليه  
علشان ينفذ الحكم
- 2 ان الشخص يكون بيعمل جريمة (   
متلبس بجريمة )يعنى انه يكون بيسرق  
او معاه مخدرات او يبشرها
- 3 ان النيابة تصدر قرار بالقبض عليه  
علشان فى قضية ضده  
لكن غير كده ماينفعلش يتقبض على اى  
شخص



# فى حالة حد وقفنى فى الشارع وسألنى على البطاقة؟

من حق رجل الشرطة انه يوقفك  
ويسألك عن اسمك , وموجود/ه  
فى المكان ده ليه ؟ ويطلب  
يشوف بطاقة الرقم القومى , لكن  
لازم تسأله عن صفته (ممكن اعرف  
حضرتك مين ؟ ) لان احيانا بيكون  
نصاب وخصوصا لو الشخص ده كان  
لوحده بدون عربية شرطة او  
اشخاص تاتين معاه وده طبعا لو  
مش لابس هدوم الشرطة

احنا محتاجين نعرف ايه هى  
الجرائم اللى القانون  
بيعاقب عليها علشان ناخذ  
بالتا كويس



# هل القانون يجرم المثلية الجنسية بين رجل ورجل

القانون مش يجرم الميول فى حد ذاتها فكون الشخص يميل جنسيا لنفس نوعه ده مش بيجرمه القانون , لكن القانون بيجرم افعال , زى انه بيجرم حاجة اسمها الفجور , والفجور ده المحاكم بتفسره انه ممارسة الجنس بين راجل وراجل وبتعاقب عليه بعقوبات بالحبس من 3 شهور لتلت سنين علي حسب تقدير القاضى

# هل المثلية الجنسية بين امرأة وامرأة جريمة

لا لان فى مبدأ مهم بيقول انه مفيش جريمة ولا عقوبة الا لما ينص القانون على ان الفعل ده جريمة ويحط لها عقاب , ومفيش نص فى القانون يجرم ممارسة الجنس بين بنت وبنت



# طب ايه هى الدعارة

الدعارة هى ان ست تكون معتادة على ممارسة الجنس مع الرجال بفلوس , الإعتياد يعنى مع أى راجل ( مش صاحبها ) ويكون بفلوس , وهنا القانون بيعاقب المرأة بس ومش بيعاقب الرجل , الرجل بيكون مجرد شاهد فى القضية

## الفجور

رجل مع رجل

اعتياد الممارسة بدون تمييز " ممارسة الفعل لأكثر من مرة خلال ثلاث سنوات " مع اكثر من شخص

لا يشترط المقابل المادى

يعاقب الطرفين

## الدعارة

امراة مع رجل

اعتياد الممارسة بدون تمييز

يشترط وجود مقابل ( مادى ) فلوس

تعاقب المرأة فقط

المادة ٩ من القانون ١٠ لعام ١٩٦١ ( قانون مكافحة الدعارة ) " يعاقب بالحبس مدة لا تقل عن ثلاثة أشهر ولا تزيد على ثلاث سنوات وبغرامة لا تقل عن خمسة عشرين جنيها ولا تزيد على ثلاثمائة جنيه أو بإحدى هاتين العقوبتين : كل من اعتاد ممارسة الفجور أو الدعارة. وعند ضبط الشخص في الحالة الأخيرة يجوز إرساله إلى الكشف الطبى فإذا تبين أنه مصاب بأحد الأمراض التناسلية المعدية حجز في أحد المعاهد العلاجية حتى يتم شفاؤه, ويجوز الحكم بوضع المحكوم عليه بعد انقضاء مدة العقوبة في إصلاحية خاصة إلى أن تأمر الجهة الإدارية بإخراجه ويكون ذلك الحكم وجوبيا في حالة العودة ولا يجوز إبقاؤه في الإصلاحية أكثر من ثلاث سنوات



## ايه هي جريمة التحريض على الفسق

ده جريمة فى القانون بتقول ان اى شخص فى مكان عام ( شارع , سينما , حديقة ... ) او حتى على الانترنت صفحته على الفيس مثلا او على موقع من مواقع التعارف بيدعو الناس (للفسق ) يعنى لممارسة الجنس وهنا الشخص بيتحكم عليه بالحبس مدة لا تزيد عن شهر

## وجريمة الفعل الفاضح ؟

هى ان شخص يعمل حاجة فيها مس بحياء الاخرين زى انه يعمل حركات جنسية او يقلع هدومه ويبين اعضاءه التناسلية فى الشارع او فى مكان عام او حتى على الانترنت وهنا بيتحكم عليه بالحبس مدة لا تزيد عن سنة

## اثبات الجرائم ده بيكون ازاي

اثبات الجرائم ده بيكون بتلت طرق اولهم اعتراف الشخص على نفسه او على بقية المتهمين معاه وده بيكون اكبر دليل على اثبات التهمة على الشخص او على الاشخاص اللى معاه , علشان الاعتراف هو سيد الادلة ثاني حاجة وجود صور او فيديوهات للاشخاص بتأكد الاتهامات زى صور وفيديوهات للشخص وهو يمارس الجنس او من غير ملبسه محتفظ بيها على موبايله او على جهاز الكمبيوتر الخاص بيه , علشان كده مهم ان الشخص ما يحتفظش بالصور او الفيديوهات ده تالت حاجة هى نتيجة كشف الطب الشرعي على المتهمين واللى بيتم على ايدى اطباء من مصلحة الطب الشرعي بناء على طلب النيابة او المحكمة فى القضايا دي , ومن حق الشخص انه يرفض اجراء الكشف ده

## هل يمكن اجبارى على اجراء الكشف الشرعى ؟

اللى بيقوم بالكشف الطبى ده بيكون دكتور وفى الغالب ما بيستخدمش العنف لاجراء الكشف ده ومن حقك ترفض وما تنفذش طلبهم انك تقلع الهدوم او تعمل الوضع بتاع الكشف

- مادة ٢٦٩ مكرر من قانون العقوبات :- يعاقب بالحبس مدة لا تزيد على شهر كل من وجد في طريق عام أو مكان مطروق يحرص المارة على الفسق بإشارات أو أقوال فإذا عاد الجاني إلى ارتكاب هذه الجريمة خلال سنة من تاريخ الحكم عليه في الجريمة الأولى فتكون العقوبة الحبس مدة لا تزيد على ستة أشهر وغرامة لا تتجاوز خمسين جنيهاً ويستتبع الحكم بالإدانة وضع المحكوم عليه تحت مراقبة الشرطة مدة مساوية لمدة العقوبة
- نصت المادة (٢٧٨) من قانون العقوبات المصري علي أن ( كل من فعل علانية فعلاً فاضحاً مخالفاً بالحياء يعاقب بالحبس مدة لا تزيد عن سنة أو بغرامه لا تتجاوز ثلاثمائة جنيه ) .



# ازای اعرف انى فى النيابة

بعد كتابة المحضر بيروح الشخص  
النيابة اللى بتكون فى مبنى المحكمة  
مش فى قسم الشرطة ويحقق مع  
الشخص وكيل النيابة وفى الغالب  
بيكون لابس بدلة كاملة وبيطلب ان  
يتفك الكلابشات من ايد المتهم قبل  
التحقيق وبيسأل المتهم عن اسمه  
وسنه وازاي اتقبض على الشخص ,  
ويكون معاه كاتب بيكتب كل اللى  
بيقوله المتهم , ومهم جدا ان  
الشخص ياخذ باله من كل كلمة  
بيقولها فى تحقيق النيابة , وده  
نصايح مهمة لاي متهم فى اى  
قضية يكون فى تحقيق نيابة  
انكر كل التهم الموجودة فى محضر  
الشرطة بكلمة ( محصلش )  
هتسأل عن ظروف القبض عليك ,  
احكى قصة مختصرة منطقية تنفى  
فيها كل التهم  
إياك تعترف بميولك الجنسية

## مراحل اى قضية هي - قسم الشرطة ) ( النيابة - المحكمة

### بعد القبض على الشخص ايه اللى يحصل ؟

اول حاجة بيروح المقبوض عليه قسم  
الشرطة او مديرية الامن علشان كتابة  
المحضر اللى بيوصف فيه الظابط ايه اللى  
حصل ( من وجهة نظر الظابط ) وبيبقى  
اسمه محضر الضبط , ولو اضغط على  
المتهم علشان يوقع عليه , وقع عليه  
مش مشكلة لانه معروف ان الشخص  
يوقع عليه بالاكراه فى القسم , ومش  
بيعتبر اعتراف من المتهم , والمحكمة  
مش بتاخذ بيه, علشان كده دايما خلى  
معاك رقم تليفون ( تكون حفظه ) شخص  
تستنجد بيه فى حالة القبض عليك يكون  
شخص بتثق فيه ويقدر يساعدك من غير  
ما يعمل تصرف يأذيك





# بعد تحقيق النيابة ايه اللي بيحصل

وكيل النيابة اما بيخلى سبيل المتهم ( بيفرج عنه ) بكفالة (فلوس) او من غير , او بيأمر باستمراره حبسه على ذمة القضية ( لغاية ما القضية تروح المحكمة

واخلاء سبيل المتهم من النيابة مش معناه ان الشخص اخذ براءة وان القضية انتهت, لانه اجراء مؤقت لغاية ميعاد المحاكمة, علشان كده اى شخص بيتم القبض عليه فى قضية وبيتعرض على النيابة ويخلى سبيله لازم يتابع القضية مع محامى ويعرف ايه اللي حصل فيها

## ايه اللي بيحصل فى المحكمة؟

المحكمة بتشوف القضية  
وبتسمع المحامين وإما بتحكم  
بالبراءة او بتحكم بالحبس

## النيابة بعد ما بتخلص تحقيق فى القضية بتعمل فيها ايه؟

النيابة بعد انتهاء التحقيق فى  
القضية إما بتحفظها لو لقيت ان  
مفيش جريمة وكده القضية تبقى  
انتهت, او بتوديتها المحكمة علشان  
المتهم يتحاكم



## هل ينفع اعلن عن مثليتي

الافضل لأ... سواء بسبب رد فعل  
المجتمع اللى فى الغالب مش  
بيكون فى صالحك , او لأن ده  
ممكن يترتب عليه اتهامك بأنك  
بتمارس جنس مع الرجال او بتعرض  
على الفسق

هل حمل الاشياء ده جريمة  
الواقى الذكري ( الكوندوم  
التوبس ) او الجيل ( اللوبريكان  
الميكاج , الملابس الحریمی ؟

لأ ده اشياء عادية وبتتباع فى اى  
مكان ووجودها مع اى شخص مش  
جريمة , لكن لو اتمسك الشخص  
متلبس بجريمة ( الفجور, الدعارة ,  
الفعل الفاضح , التحريض عالفسق .... )  
الحاجات ده بتكون قرينة (دليل ) بتثبت  
عليه التهمة

## لو فى حد بينشر او ييستغل صورى او بيبتزنى على الانترنت ينفع اعمل محضر شرطة ضده ( ابلغ عنه ) ؟

الإبتزاز وإنتهاك الخصوصية ومضايقة الناس عن طريق الانترنت او التليفون  
جريمة وفيه مباحث خاصة بجرائم الانترنت والتليفونات بتقدر تحدد الشخص  
اللى بيعمل كده وبيتعمل له قضية , لكن المشكلة انك لما هتعمل/ي بلاغ  
هتتسأل/ي عن علاقتك بالشخص وايه علاقته بيك/ي ؟ فلو عندك اجابة  
منطقية ومتأكد/ه انه مش هيتهمك انك بتعمل معاه جنس ( فجور ) ممكن  
تقدم ضده/ا بلاغ , لكن لو البلاغ بتاعك هيخليه/ا يعمل/تعمل قضية فجور

ضدك فبلاش





هل لو انا مثلى/ة او ترانس جندر او  
متعايش/ة مع فيروس نقص المناعة  
HIV البشرى المكتسب  
يمكن اتطرد من عملى



لان مغيث قانون بيقول كده لكن  
ممکن صاحب الحق يتعسف ويطرد  
الشخص وهنا بيكون حق الشخص انه  
يرفع قضية ويرجع لشغله لو بيتشغل  
شغل حكومى او يحصل على تعويض  
مالى لو بيشتغل فى القطاع الخاص

لأ



# هل كوني مثلي ييمنعني من التّجنيد؟

عارف لو دخلت  
هيحصلك ايه  
؟

الشهادة  
الحمراء

لأع

انت زي اي شاب بتتجند  
ومحدثش يبسألك عن ميولك  
الجنسية ، وحتى الكشف  
الطبي بيكون بخصوص الكشف  
عن امراض الشرج زي  
الناسور والبواسير بس



# لو شخص عابر/ة جنسيا ( من راجل لست او من ست لراجل ) هل يمكن تغيير نوعه فى البطاقة

ايوة ممكن لكن باجراءات صعبة ومعقدة ولازم ترفع/ي قضية قدام محكمة  
القضاء الادارى وبتاخذ وقت كبير ولو حصل التحويل فى مستشفى برة مصر  
بيكون الاجراءات مستحيلة لان المحكمة بتطلب شهادة من مستشفى  
حكومى

## لو انا بنت اكبر من ١٨ سنة ينفع اعيش بعيد عن اهلى

فى حاجة اسمها الأهلية القانونية يعنى  
قدرة الشخص على اتخاذ القرارات بشكل  
قانونى , قبل ١٨ سنة بيكون الشخص  
طفل فى نظر القانون وبيكون مسئول  
عنه ابوه كولى او وصي وعلشان كده  
الاهل هما اللى بيكونوا مسئولين عن  
الشخص , لكن بعد ١٨ سنة بيكون من  
حق الانسان يتصرف فى امور حياته زى  
انه يسكن لوحده او يشتغل , لكن  
التصرفات المالية ( البيع والشراء  
للممتلكات والعقارات وانشاء الشركات  
واستلام الميراث ....) ده بتكون  
بعد ٢١ سنة

## لو معايا جنسية ثانية ممكن تفيدنى فى حالة القبض عليا؟

بعض الجنسيات الاجنبية للدول  
الكبيرة سفارتها بتتدخل لحماية  
مواطنيها ولو الموضوع ماوصلش  
للمحكمة احيانا بيكون تدخلها لحل  
المشكلة ايجابى

## لو صاحبى/تى أتقبض عليه/ا ممكن اساعده/ا ازاي

اولا لازم تشوف محامى يساعده , ثانيا  
لو هو فى القسم ممكن تودى له اكل  
وشرب وسجاير , وده مفيهوش اى ضرر  
عليك

## المتهم فى قضية ممكن يسافر برة مصر

لو مفيش قرار من المحكمة بالمنع من  
السفر و مفيش حكم نهائى يقدر  
يسافر

## لو اهلى اتعرضوا لى بالضرب او بالحبس اقدر ابلاغ الشرطة

اى شخص يعتدى على اى انسان بالضرب  
او الحبس او اى اذى سواء كان غريب او  
من الاهل ( الزوج , الاب , الام , الاخ )  
القانون بيعاقب على كده وممكن تقديم  
بلاغ ضده فى قسم الشرطة ولو فى  
اصابات بيتعمل تقرير طبى فى  
المستفسى لاثبات الاصابات , وفى حالة  
ان المعتدى عليه يكون اصغر من ١٨  
سنة ومش هيقدر يروح القسم يقدر  
يتصل بخط نجدة الطفل  
١٦٠٠٠ للابلاغ عن الجريمة دي

## هل لبس رجل لملايس امرأة او العكس جريمة ؟

فى القانون مفيش جريمة الا لما يكون منصوص عليها فى قاون العقوبات (لاجريمة  
ولا عقوبة الا بنص ) ومفيش نص فى القانون بيجرم ان راجل يلبس ملايس امرأة او  
العكس , لكن ارتداء رجل لملايس سيدة بتعتبرها الشرطة دليل على انه بيعمل  
جريمة تانية زى انه بينصب او بيتحرش بالسيدات وخصوصا لو كان فى مكان  
للنساء ( كوافير , حمام ) , واحيانا بيتعمل للشخص محضر تحريض على الفسق



معايا شهادة من الدكتور  
بتقول ان عندي مشكله في  
الهرومونات



أزاي يعني مكتوبك في  
البطاقة ذكر !



**يعنى ايه مراقبة**

المراقبة عقوبة تكميلية بعد  
الحبس بيحكم بيها القاضى لمدة  
محددة وبتكون بعد قضاء مدة  
الحبس وهى عبارة عن ان الشخص  
بيروح قسم الشرطة التابع ليه فى  
مواعيد بيتفق عليها مع ظابط  
المباحث ( يوميا او مرة كل اسبوع  
او مرة كل شهر ) والهدف منها  
التأكد من ان الشخص مش بيكرر  
الجريمة اللى اتحكم  
عليه فيها

**طيب لو انا ترانس جندر ( عابر او  
عابرة ) ولابس ملابس مخالفة لما  
هو مكتوب فى البطاقة**

لازم يبقى معاك/ي شهادة طبية من  
الدكتور تفيد انك عندك مشاكل فى  
الهرمونات وخاضع/ة للعلاج علشان لو  
وقفتك الشرطة , ممكن يتعمل لك  
محضر تحريض على الفسق او نصب او  
تحرش بالسيدات